



12228

雪巖吟草補遺

寓興

又近重陽節傷心事可嗟塞鴻河洛 籬菊古
今花苦雨牀俱漏顛風扇莫遮漁舟如一葉快
活似儂家

寄海安趙路分

雨溼中秋節重陽始得晴菊花榮辱重萍梗去
留輕詩卷抄無盡鄉書寫未成鱸魚如釣得分
我一杯羹

雪巖吟草補遺

一 讀書齋正本

自歎

又作淮南客邊塵壓鬢毛夜長蛩聒聒家遠鴈
切切把酒天徒問推篷月正高男兒四方志休
戀故人袍

到家

塵壓征裘滿今朝喜到家牽衣兒欲淚滿地菊
初花瓦甌添蒸芋銅鐺旋煮茶安貧儒者事何
必戀天涯

寄鄭貢父秀才



至友惜分飛嘹嘹雁獨知想斟新社酒多讀盛
唐詩白髮愁何慮清貧久卻宜曾觀時事否又
是一盤碁

曹娥謝趙菊莊相訪

江程潮汛小沙磧纜行舟挈酒尋詩好披心話
客愁雲歸山欲暝風急雨如秋可惜相逢處匆
匆不少畱

忘機

我以漚爲我漚爲我卽漚非漚亦非我機事兩

雪巖吟草補遺

二讀畫齋正本

忘不

值雨

吳陵兩月雨畱連來問瓊花落砌邊一作雨市亦然

酒未銷狂客恨塞鴻先作嫩寒天只憂松下無

三徑不管囊中欠一錢揚子江一作渡頭風正急

未知何日買歸船

行色

擬作維揚數月畱西風勸我買歸舟功名得失
千年夢豪傑窮通萬斛愁黃菊已花休戀酒青

山何處不登樓漁翁自倚船蓬睡一任男兒白
盡頭

民夫

閩帥差夫欲太平浚河纔了又修城挑泥罄鑿
無休日失業妻兒有歎聲兩個布衫寒透骨半
盂蒸飯冷無羹何時一統山河了只向春田帶
雨耕

寄海安林監鎮

風搖紅葉下林端又見長淮九月寒詩草未諧

雪巖吟草補遺

三讀畫齋正本

唐律呂菊花如憶晉衣冠日窮甍竈煙初息夢
想亭沙雨未乾客宦有緣隨處好不須來作小
場官

悶中

一千里外鬢斑斑枉被微官奪笑顏酒後稍知
寒力退悶中猶惜世途艱丹砂藥劑寧如健鐘
鼎功名不似閒何日五湖深處住四窻煙雨納
青山

荅林行父

男兒未肯著漁蓑且把屠龍一劍磨前席豈容
無賈誼詞林尚可著廉頗壯懷轉被愁懷惱官
況寧如旅況多我欲便歸歸未得江南孤負採
菱歌

苦雨督鹺課甚迫

僕僕馳驅夢不安猥哉誰恤買鹺官星臺閣住
春來俸雨意翻成夜半寒人可與言一作可能
說話人
幾輩事難區處一作難
區處事更多般桃花一日都開
盡插滿銅瓶亦倦看

雪巖吟直補遺

四讀畫齋正本

寄舊友

男兒未遇總英雄漂飯非憐計已窮鮑叔但能
知管仲孔明猶一作
何必拜龐公秋江萍梗人何
處夜月梅花夢亦同借問選詩編幾許元暉蕭
散漸唐風

微官寧得似窮儒俛首逢迎氣不舒便是伐薪
能煮海何如燒葉自觀書半篷寒雨茗溪酒一
線西風震澤魚但得此身無繫東江南有地著
頑疎

通新代者書偶作

庭陰日日杜鵑啼問我胡爲未賦歸

苦如

梅豆小人情輕似柳綿飛三年

知操縱兩

耳從他說是非瓜戍喜催新代者歎衫應許換

征衣

拚桑得替題道院

煮海三年不等閒幾多歸夢繞青山
鳶肩詩瘦羞郊島蝸角名虛愧觸蠻
戈浙劍炊恬砑耐雲翻雨覆任癡頑
知機人識圓機意盡在西風一

雪巖改直補遺

五讀畫齋正本

笑閒

送楊提幹過淮求辟

功名會底不爲難莫把登科作等閒
豪傑豈容忘矢石行藏只要識機關
天連芳草千家雨月照長蘆四面山
但是辟書休自嬾偏親綠鬢已成斑

都闖遭燕

融風何事入神州一掃天衢萬百樓

朱門

誇炙手又令赤子歎焦頭詩人

湖山在壯

士難爲富貴謀世事可驚

盡得休休處且

休休

寓西馬塍

十畝荒林屋數閒門通小艇水灣灣

一作灣環

人行

遠路多嫌僻我得安居卻稱閒樽酒相忘霜後

菊一時難盡兩中山何年脫

一作漾

下浮名事只

與田翁賸往還

初冬

過了重陽便作寒貂裘心事未容安貧時侯伯

雪巖吟直補遺

六讀書齋正本

人難識醉裏乾坤我自寬紅葉已飄千萬點黃

花羞對兩三般小窻破處須補莫放西風正

眼看

村莊卽事

青旗獵獵又村莊僊景還他是故鄉叟甫七旬

頭未白山無重數葉初黃稻畦明月家家酒茆

屋清歌處處霜晚菊一籬

一作滿地菊花

秋欲老客懷

牢落愧重陽

爛溪

幾家籬落傍溪居只看青山儘自如隔岸有橋
多賣酒小籃無處不提魚何時茅屋人同住旋
買瓜田手自鋤寄語牧童休笑我都緣錯讀半
生書

登海陵城

淮楚年年一番秋西風慣識古譙樓金湯城壁
休清野玉帳英雄未白頭霜草萬家人冷落東
雲千疊雁綢繆中原無計堪脩整且對屯兵說
近愁

雪巖吟草補遺

七讀書齋正本

寄白子元

一番書滿兩番求千里重來我更羞薄世告人
難啟口小官何事不擔憂知心惟有長天月把
酒還思故圃秋只待菊花開徧了半蓑寒雨上
輕舟

別朱冷官

客中奔走易蹉跎學館癡畱月又過橙蟹醉斟
知已重尊鱸鄉話益人多吳陵今夜三更月雪
水明朝一棹歌船在白蘋亭下過有無傳語曬

漁蓑

出陸

吳陵咫尺是維揚
徒步方知去路長
漁屋試霜蘆葉老
酒家畱客豆花香
秋光淺淡人同瘦
雁影參差我共忙
僕子莫嗟行李重
擔頭強半舊詩囊

瓜洲阻風

狂風未許放歸船
借得僧房半榻眠
落雁影收帆脚外
怒濤聲到枕頭邊
黃蘆葉底秋將老
白

雪巖吟草補遺

八讀畫齋正本

羽書中病未痊
傳語將軍多著力
揚州不比舊家年

焦山簡主僧無菴

輕搖風漿過焦山
山色相畱半日閒
萬頃月波秋雨後
一篝煙翠夕陽閒
城依鐵管心猶壯
酒對金峯鬢已斑
願得淮西來好語
吸江亭下且怡顏

邊頭老馬

解下韁繩便欲眠
絕無筋力可勝鞭
霜蹄徧識

淮南地夜草猶吞塞北煙怕逐綵旗排偃月寧
思金鐙趁朝天華山自有安身處試問將軍在
幾年

夜過烏鎮

望極模糊古樹林灣灣溪港似難尋荻蘆花重
霜初下桑柘陰移月未沈恨別情懷雖戀酒送
衣時節怕聞砧夜行船上山歌意說盡還家一
片心

荷葉浦

雪巖吟草補遺

九讀畫齋正本

小船搖蕩水中央喜得歸程近帝鄉秋與荻花
俱淡薄地名荷葉素淒涼幾番來往人雖熟兩
月奔波話更長巡檢不知何日滿一隄衰柳對
斜陽

簡張寄翁秀才

徽外琴聲局外棋此心能得幾人知縱橫謾說
三千字陶寫須吟百一詩秋到蓼花蟬噪後雨
敲荷葉釣歸時西湖儘著張公子莫把吟逢月
共移

上安晚先生鄭左相

直上昭文便乞閒，貂蟬鬢底未全斑。
靜看世事千年後，總在梅花一笑閒。
松菊主賓雖自得，君王休戚暗相關。
更須正笏巖廊上，整頓皇家若泰山。

題李長嘯漕元賃居

可種梅花便可居，此身安處卽吾廬。
胷中丘壑無今古，筆底煙霞自卷舒。
著脚且堅君子操，知心自有聖人書。
吾儕幸是蒼川客，只好溪頭學釣魚。

雪巖吟草補遺

十讀畫齋正本

釣魚

呈菊坡先生陳樞使

但知猿鶴伴閒居，不覺憂時鬢已疎。
對客怕作懶言，今日事挑燈重讀少年書。
樓迎山色詩堪畫，門對梅花月共鋤。
相業累興明主意，先生只恐自躊躇。

寄題天台王主簿約牖

世道巖嶇可厭尋，牖名以約孰知音。
數櫺秋雨千年事，一剔寒篝萬古心。
山入酒卮青耿耿，風

搖枕影綠情情坎爻六四君休說笑拍闌干月
滿襟

賀游先生再入元樞

粵從寶紹歷嘉淳國事如棊局幾新欲識萬年
占氣脈須教一著頓精神重臣休憚頭盈雪赤
子咸期屋自春天下倚公心更切泰山宗社在
垂紳

賀鳳山先生李文昌赴召

國老如公僅幾人豈宜長嘯太湖濱疇咨宰相
調元化詔趣尚書侍紫宸欲振國威千載立當
從局面一番新先生莫作前時看多少枯根望
早春

呈可齋先生陳侍郎

男兒心事少陵詩不與英雄說又誰衰鬢未甘
無用處壯懷圖見太平時休慚夜挑寒爇喜
聽春枰改舊棊一信暖風花蓓蕾孤根應發凍
梅枝

呈畱耕先生王侍郎

夜雨篝燈夢未閒十年殊愧屋頭山喜聞鐙脚

濤聲起

一云喜聞局面棋聲別

不憚吟髭雪樣斑漁釣醉

歌人所願功名心事國相關辟書笑倒梅邊鶴
盡在先生指顧閒

賀元樞游先生除右相

元樞登相未爲奇奇在先生甚嬾爲四海熙熙
今有日九重眷眷已多時人才豈用拘彝調邊
事常如援拙棋天下兒童頌君實太平欣卜萬
年基

雪巖吟草補遺

上讀畫齋正本

賀鶴林吳尚書赴召除隆興

鸞翔芝簡下溪堂醉夢驚回午正涼寵報帝俞

催宰相宜

一作且

將州紱召文昌蘋花襟袖宮花

近詩草簾櫳諫草香大化一新多吉士卷阿歷
歷告成王

送廬陵王月白秀才之武昌謁秋壑賈侍

郎

一編芒屨一橐詩等閒西上欲何之青原山下
家雖遠黃鶴樓前笛未吹秋壑最宜秋到後月

窗當趁月明時問君如見調羹手說寄梅花寄
阿誰

上存耕先生趙大資

清朝登用舊英耆聖主憂民展皺眉萬寓已綿
千歲脈十年新改一盤棋吟髭雪映堯黃屋講
厦春生漢玉卮補袞日增磐石重詩人喜見太
平時

題象山縣棲霞觀應真亭簡住持張羽

士

雪巖吟草補遺

十三讀畫齋正本

杜鵑聲裏立東風山色應憐鬢已蓬二麥曉寒
新雨後一年春事落花中醉斟浮蟻邀仙客笑
揖飛鷗問釣翁簷外萬竿君子竹虛心能得幾
人同

寄題臨江王實齋司戶百花洲

錦囊詩句

裏一作

識花洲何日清江得醉遊百畝

故園重鬪飢四賢遺像愈風流香浮紅樹春應

早雪壓寒梅月想畱我有煙波漁具了

一作一在

絲風底願維舟

寄呈東叻先生曹侍郎

芝書催覲已多時，底事歸班似嬾歸。
諸老正緣無定說，先生只得暗知機。
柳花樽俎春千點，竹屋雲山綠四圍。
東叻東邊行樂遍，不妨款曲上黃扉。

寄呈檢正徐侍郎

紋楸一著響，新棋驚起英雄睡。
足時南渡欲恢前漢業，北窻誰戀晚唐詩。
熬波滄海徒勞舉酒青天欲問之，吾道正歸公造化。
暖風須到落

雪巖吟草補遺

古讀畫齋正本

花枝

題智門寺寄住山伊巖玉老

紫微深處著招提，古蹟名臣事兩奇。
宣子畫由高廟治，越王心有孝宗知。
萬竿玉立春來早，六角池深月上遲。
禪定十年簾不卷，不知門外幾盤棋。

筍轎衝煙落翠巔，白巖山裏借牀眠。
飽聽溪水雲深處，笑索梅花雪後天。
幾世世脩三世福，萬燈燈是一燈緣。
吾生誤讀磨崖頌，落得吳霜點

鬢邊

謝沿海制使顏侍郎舉

羞把牀頭短鋏彈弓裘殊媿一絲官但知曉雪
侵髭滿不擬春風著眼看東閣選掄前固有西
班騰踏近尤難先生濃點陶鎔筆安得梅花月
共寒

贈僧妙源新剎寶葉

立錫無地未爲窮況有三椽似鶴籠細納海山
聽夜雨旋栽松竹引秋風詩如東野肩頭瘦禪

雪巖吟草補遺

五讀畫齋正本

與西來鼻孔同他日寺成君記取維摩牀畫雪
巖翁

夏日三首

滿庭新綠午陰陰風弄疎簾雨弄晴窻下岸書
眠一寤不知人世有公卿

泓泓圓碧漾新荷獵獵斜風顛綠莎農事正忙
三月後野田齊唱插秧歌

數點沙鷗掠野塘雨聲初歇水微茫橋邊十里
荷花蕩蕩輸與漁人卧晚涼

農家

茅屋三間僅作籬白頭婆子葺冬衣兒童飽飯
黃昏後短笛橫吹喚不歸

觀書

一篝燈影夜牕寒靜展青編子細看會得聖賢
千古意不須場屋苦求官

夜坐

柏香煙裊淪山茶窮似燒丹道士家窻紙暫明
寒月上一肱清夢入梅花

雪巖吟草補遺

共讀畫齋正本

秋田小立

兩閒茅屋是誰家淺水汀洲舞荻花牧笛數聲
紅日晚自慚身是客天涯

畱春

春事無多始得晴江頭纔有麗人行柳絲綰住
東風脚踏盡桃花去未成

歸渡柴墟江口

白頭浪裏葉舟輕全靠檣桅寄死生
無一事不憂風雨不憂晴

青山

兀坐

對坐清清一穗香
悄無人語日偏長
硯盤數點梅花片
暗引遊蜂度粉牆

晚涼

兩兩蟬聲送夕陽
竹陰移綠上藤牀
黃昏急雨無多子
喜得今宵夢亦涼

湖上

一泓寒玉浸青山
妝點樓臺夕照閒
歌管滿船春未懶
惜無人伴白鷗閒

雪巖吟草補遺

十七 讀書齋正本

贈寫梅者

學畫梅花又學詩
不須頻說見錢遲
知音自有和羹手
祇恐知音未得知

殘菊

黃華十月愈風流
不把重陽作話頭
昨夜滿林霜似雪
笑他紅葉冷颼颼

西湖晚歸

一輪紅日倚青山
只見湖光數里閒
聽得畫船人說道
錢塘門到夜深關

風力尖纖酒力微重添脫下薄綿衣心忙愈覺
蘇隄遠趁得漁船載得歸

得石刻戲書

蘭亭墨妙總非真石鼓遺文字亦湮更有斷崖
刻咀楚遼哉千載笑亡秦

觀寺中孟蘭盆會有歎

欣欣來認祖先名梵杵丁東月二更滿地紙錢
香篆冷更無真哭兩三聲

羊角埂晚行

雪巖吟草補遺

十八讀畫齋正本

葛君蒲履帽烏紗迤邐乘涼到水涯數寺晚鐘
聲未歇滿身明月看荷花

勉吟者

詩不窮人窮乃工蹇驢宜立灞橋風安排兩箇
推敲字豈在梨花院落中

泊船吳江

垂虹一抹跨晴江好解帆繩繫矮椿水浸碧天
天浸水只消推起小篷窻

荷包鮓

買得荷包酒旋沽，荷包惜不是鱸魚。鱸魚不見，張翰輩白向滄波隱處居。

吳江四橋

不獨吳江第四橋，風波處處險如潮。但得平如水浪自滔天，櫓自搖。

買牋紙

丁寧黃帽入蘇州，吉利橋邊泊小舟。買得吳牋纔可去，詩成免得向人求。

西津渡

雪巖吟草補遺

十九讀畫齋正本

掀天雪浪鎮三邊，億萬王師未必然。可惜大江如舊日，苦無人著祖生鞭。

間角

曉角經秋每厭聽，那堪和月在邊城。從來只說梅花引，未識梅花曲外聲。

揚州騎鶴樓

醉倚闌干獨黯然，淮南不比數年前。只宜跨鶴翩然去，休說腰纏十萬錢。

瓊花

莫訝重栽聚八仙幾經邊警亦堪憐珠簾十里
春狼籍且把天香作舊年

家書

未得還鄉淚欲珠一書封了又躊躕家人會得
征夫意門外西風卽是書

看邸報

朝家日日有遷除休說人才媿國初

幾多

茅蓋屋安知不是孔明廬

送馬廿七秀才歸小枯村

雪巖吟草補遺

三讀畫齋正本

輕輕飛絮撲花枝喜傍蘭亭說舊詩君去小枯
應爲我細看山帶晚晴時

和浙東童倉使建昌家圃梅花玉雪亭

詩三首

要識生涯便有涯暗香叢裏作人家紛紛紅紫
休相角別是春風一樣花

雲繞疎籬水繞亭主人清處著梅清雖然借得
坡翁意人與梅花更有情

黃昏約略酒醒時塞管無煩特地吹是自調羹

消息早不妨留伴月鈞垂

秋雨簡劉主簿

秋到天涯未兩旬西風無日不霖淫數行新雁
千門曉十幅輕帆萬里心薄宦只宜聞早去長
淮未許作狂吟江南誰倚闌千曲丹桂香中酒
自斟

初夏

杜宇枝頭雨未乾曉來猶覺夜來寒花如舊日
全然少梅亦何心只爾酸世事淺深連酌酒春

雪巖吟直補遺

王讀畫齋正本

光行止一憑闌流鶯默默渾無語只把遊人冷
眼看

白石道人集補遺

燈詞

南陌東城盡舞兒，畫金刺繡滿羅衣。也知愛惜春遊夜，舞落銀蟾不宥歸。

燈已闌珊月色寒，舞兒往往夜深還。只因不盡婆娑意，更向街心弄影看。

沙河雲合無行處，惆悵來遊路已迷。卻入靜坊燈火空，門門相似列蛾眉。

遊人歸後天街靜，坊陌人家未閉門。簾裏垂燈

白石道人集補遺

照尊俎，坐中嬉笑覺春溫。

郊祀後景靈宮恭謝紀事

六軍文武浩如雲，花簇頭冠樣樣新。惟有至尊渾不戴，盡將春色賜羣臣。

萬數簪花滿御街，聖人先自景靈回。不知後面花多少，但見紅雲冉冉來。

右六詩從武林舊事錄補

嘉泰壬戌上元日訪全老於淨林廣福

院觀沈傅師碑隆茂宗畫贈詩二首

深衣跨羸驂杳杳春山路入寺君未知閒看移
桂樹

沈碑含秀潤隆畫出神奇道人那得此老子乃
耽之

齋後與全老銛樸翁聰自聞酌龍井而

歸

四人松下共盤桓筆硯花壺石上安今日興懷
同此味老仙畱字在孱顏

年時六月海揚塵遙見青山起白雲聞有高僧

白石道人集補遺

來誦咒巖前拋玃問龍君

右四詩從咸淳臨安志錄補

三高祠

不貪名爵伐功勞勇退深虞禍患遭甫里閒居
耕釣樂范張高處陸猶高

右詩從姑蘇志錄補

自題畫像

鶴擎如煙羽扇風賦情芳草綠陰中黑頭辦了
人間事來看凌霜數點紅

右詩從研北雜志錄補

於越亭

松尾颼颼石浪寒胡啼蕃曲轉聲酸人間無此
春風手應是江妃夜夜彈

和王祕書遊水樂洞

自是瀛洲客還因野趣來解衣吟寂寞攜酒上
崔嵬石洞山山秀梔花樹樹開只應巖下水相
送上船回

右二詩從廣陵詩局刊本錄補

白石道人集補遺

桂花

空山尋桂樹折香思故人故人隔秋水一望一
回颺南山北山路載花如行雲闌干望雙槩穠
枝儲待君西冷蔭歌舞夜夜明月嘖棄捐頰玉
佩香盡作秋塵楚調秋更苦寂寥無復聞來吟
綠叢下涼風吹練裙

右詩從敖陶集錄補

題揚冠卿客亭吟稟

揚侯筆力天下奇早歲豪彥相追隨一斑略見

客亭橐文采炳蔚驚羣兒長安城中擇幽棲靜
退不願時人知大書前榮號霧隱意與風虎雲
龍期人皆眩耀身陸離見草而悅忘臯比南山
十日不下食君子一變誰能窺正論不作世道
微通都大邑多狐狸惜君爪牙不得施公超五
里亦奚爲

右詩從客亭橐附錄錄補

廷博案廣陵詩局刊本別有菖蒲一首攷
係姜特立詩宋詩存有有送一首係周弼
詩俱置不錄

葦碧軒集補遺

夢回

一枕莊生夢回來日未衙自煎砂井水更煮嶽
僧茶宿雨消花氣驚雷長荻芽故山滄海角遙
念在春華

泊舟龍游

未得橋開鎖去船難自由渚禽飛入竹山葉下
隨流忽見秋風喜還成早歲愁卧聞篙子說明
日到衢州

葦碧軒集補遺

一
讀書齋正本

閩中秋思

客愁無定跡幾處冒風埃逢得家鄉便憑將信
息回海煙蠻樹溼秋雨瘴花開舊日越王國于
今身再來

同徐道暉文淵趙紫芝泛湖

相見卽相親吟中得幾人扁舟當夏口勝賞共
閒身山雨曾添碧湖風不動塵晚來漁唱起處
處藕花新

周氏東山堂

城隅古謝村博士草堂存惟見煙霞起全無市
井喧鶴來巢木杪龜出戲蒲根消得吟詩客凭
闌看幾番

贈九華李丹士

行遍東南地曾看江水源袖藏勾漏藥身是老
君孫去住雲相似枯榮事不論九華峯最碧相
對舊柴門

題玉隆宮周道士自足軒

貪得無厭者應難向此居爐中姪女藥案上老
君書花竹庭階潔風煙戶牖虛道人隨分外安
坐不求餘

冬日登富覽亭

借問海潮水往來何不閑輕煙分近郭積雪蓋
遙山魚舸汀鴻外僧廊島樹閒晚寒難獨立吟
竟小詩還

偶題

綠樹何稠疊清風稍羨餘枕縈雲片片簾透雨
踈踈脩篔通泉壑殘碑出野鋤丘陵知幾變耕

稼雜陶漁

旅泊

幾日溪篷下低垂困水程喜因山縣泊略向岸
汀行聞笛生羈思看松減宦情遙知此夜月必
照故山明

寄從善上人

數載不相見師應常掩關香煙前代寺秋色五
峯山棋進僧誰敵琴餘鶴共閒幾時重過我吟
話此林閒

葦蕩軒集補遺

三讀畫齋正本

書嶽麓宮道房

借問今行處羣仙第幾家晴簷鳴雪滴虛砌影
梅花香熟何年柏芽煎未社茶道人三四輩相
對誦南華

壽昌道中

清遊從此起過處必須看背日山梅瘦隨潮海
鳴寒平途迷望闊峻嶺疾行難聽得居人說今
年冬又殘

贈葛天民

燕本昔如此清名千載垂誰將囊米施自拾束
薪炊柳影連蓬閣湖波浸竹籬朝昏無別事只
是欲吟詩

幽居

一作二薇詩題云吾廬

蓬戶掩還開幽居稱不才移松連嶠土買石帶
溪苔藥信仙方服衣從古樣裁本無官可棄安
用賦歸來

葦碧軒集補遺

四讀畫齋正本

清苑齋集補遺

一眞姑

忽然能不食飲水度中年此事知難僞令人信
有仙形容無血色衣袂有香煙聽說瑤池路分
明在目前

秋日遊棲霞菴

乘興入孤村神凝秋水閒菊開嫌徑小荷盡覺
池寬林影懸崖屋鐘聲何處山清遊殊未倦初
月照松關

清苑集補遺

一讀畫齋正本

寄新吳友人

每於樓上立遠遠望新吳春至山疑長江空雨
似無懷才人盡愛多病體常癯若治東游策舟
行與子俱

秋日偶書

官事何曾曉閒名苦要簽大書公吏恐直語衆
人嫌俸少貧如故醫庸病卻添秋風牆下菊相
對憶陶潛

秋夜偶成

此生謾與蠹魚同白髮難收紙上功
輔嗣易行非漢學元暉詩變有唐風
夜長燈燼挑頻落秋老蛩聲聽不窮
多少故人天祿貴冑將寂寞歎揚雄

夜宿江浦聞元八改官寄此

君遊丹陛已三遷我泛滄浪亦二年
劔佩曉趨雙鳳闕煙波夜宿一漁船
交親盡在青雲上鄉曲都拋白日邊
若報生涯應笑殺結茆栽芋種畚田

清苑集補遺

二讀書齋正本

贈寫竹上人歸湘一作贈元長老歸自湘中

白髮半頭寒未剃形容消瘦異尋一作尋常爲人
作畫衣添墨一作黑對客圍棋瓜獨一作甚長不染

世塵一作聞如菡萏只畱胸次著瀟湘住山亦自
年來懶竹閣門前借一房

潤陂山作

一山大半皆櫛葉絕頂閒尋得徑微無日謾勞
攜紙扇有風偏怯去綿衣野花可愛移難活啼
鳥多情望卽飛惟與寺僧居漸熟煮茶深院待

人歸

十里

烏紗巾上是黃塵落日荒原更恐人竹裏怪禽
啼似鬼道傍枯木祭爲神亦知遠役能添老無
奈高眠不救貧此地到城惟十里明朝難得自
由身

清苑集補遺

三讀畫齋正本

芳蘭軒集補遺

贈徐璣

一舸寒江上梅花共別離不來相送處愁有獨
歸時去夢千峯遠爲官三歲期思君何可見新
集見君詩

贈溪上翁

生事付諸兒日高睡起遲本無塵內事亦有鬢
邊絲遠取泉烹茗新移棘補籬晚來持釣去一
犬自相隨

芳蘭軒集補遺

一讀畫齋正本

山中

世事已無營翛然物外形野蔬僧飯潔山葛道
衣輕掃葉燒茶鼎標題記藥瓶敲門有賓客稚
子會相迎

題釣臺

當時廊廟去此地也成空草木多年換兒孫近
代窮無言傷末俗久立慕高風梅福神仙者新
知是婦翁

光武廟

帳閉爐煙聚山龍帝者衣真人元有道社鬼忽
無威晝剝金猶在碑平字半非鼓鳴村犬吠祭
罷數翁歸

贈不食姑

衣以青爲色謂如天骨青近年全不食飲水自
通靈心信生狂語清羸改俗形半空仙樂奏曾
向靜中聽

貧居

既與世不合當令人事疎引泉魚走石掃徑葉
平蔬誰念交情淺難如識面初榮途多寵辱未
敢怨貧居

和翁靈舒冬日書事三首

石縫敲冰水凌寒自煮茶梅遲思閨月楓遠誤
春花貧喜苗新長吟憐鬢已華城中尋小屋歲
晚欲移家

秀句出寒餓從人笑我清步溪波逐影吟竹鳥
鷹聲酒裏安天運春邊見物情耕桑猶罄橐何
事可營生

十日南山雪今朝又北風燒衝巖石斷梅映野
堂空難語傷時事無成愧老翁一生吟思味獨
喜與君同

寄筠州趙紫芝推官

府後巖巒衆何時訪古仙井甘鄰室共鐘遠雪
風傳病去茶難廢詩多石可鐫蜀江春未動猶
得緩歸船

楊柳

嫩葉因風不自持淺黃微綠映清池玉人未識

芳蘭軒集補遺

三讀畫齋正本

分離苦折向堂前學畫眉

二薇亭集補遺

吾廬 一作葦碧詩題云幽居

蓬戶閉還開深居稱不才
移荷連故土買石帶
新苔藥信仙方服衣從古
樣裁本無官可棄何
用賦歸來

不食姑

惟誦天童咒飲泉能不飢
只緣多自警番以致
人疑賦質全如鶴謀生
卻似龜綠華通籍後會
報女仙知

二薇亭集補遺

登薛象先新樓

矮詹風雨送蝸牛有客來
誇百尺樓闔郡池臺
皆下瞰背城湖海亦全收
清時未放徒高卧半
世胡爲故倦遊解盡橐
金君計決月明長笛起
漁舟

一
讀畫齋正本

